

НОВИ РУСКИ НОВИНИ

ЗА РУСИНОХ У КРАЉОВИНИ СХС

Рок IV.

Нови Сад, штварток 19. мая 1927.

Ч. 20 (127)

Виходза раз у тижню.
Цена на цали рок 100 Динари.
На ½ рока 50 Динари.
За Америку 4 долари на рок

Рукописи и други писма треба
посилац на адресу:
„РУСКИ НОВИНИ“ НОВИ САД
Бојовићева улица број 2.

Претплату на РУСКЕ-НАРОДНЕ
ПРОСВИТНЕ ДРУЖТВО, РУСКИ
КРСТУР (Бачка).

Руско-українски народ и його совромени змаганя.*

По числу стої руско-українски народ на другим месце медзи славянским народами. Вон числи 38 милиони а бива на свој власней народней териториї у восточней Европи у єдней громади. Руско-українски народ находзи ше те раз у барз чежким политическим положенію.

Гоч руско-українски народ не давно ясно указал свою волю да започне самостойни державни живот и зос оружієм борел ше за свою шлебоду, то ипак политичаре и дипломати, котри редзели при Версайских, Сент Жерменских и других медзинародних уговорох, подзелели українску жем медзи штири європейски держави: медзи Русію, Ческу, Польску и Румунію.

По томе припадо Русіи 650.000 км² зос 30 милиони Польскей 137.000 км² и 7 милиони, Румуньом 22.000 км² и 750.000 нашого народу. Чехословаком 15.000 км² и 400.000 руско-українского народу. Така подзельба то найвекше насиліє яке дараз було зробене у исторіи швета над єдним народом. На териториї бувшого російского царства организовал себе руско-українски народ дораз по револуції (1917) самостойну державу, (республика, вец Хетманат) док на концу по кирвавих борбох з Большевицима не прешла до союзу федеративних, советских рус. республикох. Вона ма ипак автономію гоч и у большевицим значеню. Факт єст, же народ и у политическим розвиваню

* Познати українски народни посланик Др. Митро Левницький у Львові написал статью под насловом: La situation politique actuelle et les aspirations de la nation Ukrainienne у часопису „Natio“. Ми принашеме зос ней найлепши места.
Редакция.

фришко напредує. Спревед би ше, хто би думал, же то большевики даваю з милосердія лебо з радей души. Не! Нукашні отношеня Советскей України ніч иньше як продукт діючих сил, котрих руско-українски народ по своім политическим препородженю зос себе видал, и з котрима силами участвовал найперше у світової револуції а вец у борбох зос большевиками. Неопходима нужда примушела большевицкох, да рахую зос тим руско-українским націоналним рухом, пред котрим вони проци свој дзеки муша ше поцагнуц. Водьове московскей влади дораз похопели, же насилне поступованє против томе народноме руху невозможне. Же би так тот руско-українски народ, котри неприятельски расположени до большевизму, а иншак богати житом, гу себе прицагли, мушел ше цали явни живот українізовац. Цо вецей, наздавало ше, же ше и большевизм будзе легчайше мочи шириц медзи руско-українским земледілцями, кед ше пропаганда будзе кончиц на їх мацеринско руско-українском язичу. Широки руско-українски народни маси знали-вицасновац тоти большевицки концесії на својо націонални цилі. Так руско-українска бешеда завезена як службена у шицких званіюх. Шицки школи од найнижших до найвисших вжал народ до своіх рукох. Росіянска православна церква постала українском. Основана академія наукох у Києву. Дзвигла ше литература, уметносци и знаносци и т. д.

Цо ище найзанимлівше то политическа борба у найновши часи медзи У-

країну и Москву за цо векшу державну самостойносц.

Нет сомніня, же руско-українски народ у найкратшим часу придзе до подполного својого полит.

права а потом и до основаня самостойней держави по прикладу западно-європейских демократских державох.

У нашім отечеству

Политическе положеніє.

По закончено конференції Малей Антанти, котра ше отримув у Йоакимову (Ческа) Його Велич, Краљ путує до Францускей и як ше бешедує у политических стварох, да ше цо баржей утвєрди звяз медзи нами и Француску, котра у послїдни часи пре неспособносци наших политичарох була попуцела. У демократскей партиї незадовольни зос Спаху, котри ше приближує гу радикалом Бешедує ше, же ше партија, подзелї, бо нешкайша часц демократох не ступела до влади зос одобреньом Давидовича. Незадовольни демократи, центрумаше радикали зос Вукичевичем и Прибичевичем могли би ше зложиц до єдней т. зв. штвартей партиї, котра би була и „културкемферска“ т. й. противирска — У Хорватскей удружую ше партиї против Радича, а веря, же кед би Никич ступел до влади, же би ше велї радичевци придружели ім.

Чкоди на виніцох и овоцох.

Незвичайна хладнота и мразитих дньох зробели вельки чкоди у заградох и виніцох. Так у Словеніи унічтожени овоци, виніци и желенява. Хладнота указовала 5 гради под нулу.

Трешене жеми у Београду.

Прешлей недзелї коло штирох годзинох рано зявело ше вельке трешене жеми у Београду и южних наших крайох. У Београду не було смертельних случайох лєм цо вецей коминох попадало, док нука у жеми настрадали и даскельо особи. Так у Рудники и Милановцу вецей мертви и ранети.

Настрададо дзецко.

При железней драги при Карловцу чувал єден б. рочни хла-

пец крави. Вон ше бавел на шинох и кед видзел влак дзе приходзи, почал сцекац пред нїм по шинох, од страху ше не знал склонїц. Влак го доциг, знавал на жем и одрубал ногу. На драже до шпиталю хлапец умар.

Вельки глад у Херцеговини.

Вельки глад не стал у нашеї Херцеговини так, же єст уж вецей случаї мергвих. З єдней страни неурожай, а з другей економска криза па нерозумне гавдованє зос доганом, при котрим народ єдино ма заробок причини су томе злу. — Вецей як 3000 дзєцох стої пред шмерцу, кед ше им дораз не поможе.

Буря у Бачкей и шніг у Словеніи

Прешлого тижня велька буря коло Апатину и Сомбору наробела вельки чкоди, на местох падал и ляд. На лаповдних местох сиверних крайох Словеніи и Чарней Гори западал шніг, прето було у цалей жеми незвичайно хладно.

Непоштени дипломата.

Бувши секретар нашого посланства у Риму Б. Вуїч проневерел 35.000 лира. Кед ше презнал, же ше його работа открила, сцекол и крил ше за 17 дні Талиянски детективи го влапели и придали нашим власцом. Тих дньох го суд у Београду одсудзел на 15 роки цемніци.

Дирекция железничох премесци ше до Н. Саду.

У послїдни часи роби ше о тим, да ше дирекция держ. железничох за Войводину премесци зос Суботици до Новог Саду. Уж ше робя потребни приправи. На тот способ би Н. Сад постал средище саобрачаю у цалей Войводини.

ДР. Я. КАЛАЙ:

При македонских греко-католиках.

ЦО ЗМЕ ДОБРОГО НАШЛИ ПРИ ТИХ НАШИХ ВИРНИКОХ?

Нашли зме ту понайперше живу в иру. Вони себе шицки волаю напросто католиками. Мено грекокатолик ту ше неможе хасновац, бо людзе вецка думают, же то Греки, а медзи тим народом и Греками постої велька ненависц. За време войны нашо вирники найвещей церпели од Грекох. Греки зніщели шицки нашо церкви и парохии, котри ше находза у краю, яки їм припаднул.

Нашли зме ту смиреносц и чедносц у женох, а особено у дзівчатох. Ту родителї барз оштро тримаю своїо дзівчата. Дзівка до одаваня не шме виходзиц з дому по вечарох. Нет ту шаленей моди, як цо у нас. Ту ше не руцаю езри и езри динарох за шмати, да ше збогацую жиловски таргозци. Дзівчата ше одаваю найскорей кед наvertsа 18 роки. И прето народ здрави и моцни, гочь жиў у вельким худобству.

Як ше ту оштро меркуе на невиносц дзивоцку, най пошведочи слїдуюци приклад, цо ше недавно случел у Скоплю. Єдна дзівка ше забула, пошла позлу. Мац то дознала. Єдного дня вжала мац свою дзівку на рахунок. Заволали ю окреме до хижки и започали ше зос нїо розгваряц: Конец теї бешеди бул такї: чуем, же ши то и то зробела. Дзівка не могла повесц, же не зробела. На то мац вжала погар до рукох, дала го своїо дзівки и так вї гуторела: у тим погаре находзи ше отров. Мушиш тот отров випиц и мушиш умрец, кед ши так заганьбела нашу фамилию. Дзівка випила и умарла.

Правда, же мац барз вельке

зло зос тим зробела. Але ту за вєкшу ганьбу и за меньше зло тримаю саму шмерц, як безчесни живот єдней дзівки.

Превельо би ше могли научиц єд тих припростих людзох нашо отцова и мацери, котри пуцаю своїх синох и дзівки по ноцх, най робя, цо сцу. Таки родителї забуваю, же вони буду давац рахунок за дзєци своїо пред всезнаюцим Богом за таки недобри дїла, котри их дзєци зроби по недзбалству родительох.

Нашли зме ту надалей ище єден красни обичай: през два тижнї ми ту не чули велького лаца, яке ше у нас чує уж и при малих дзєцох. Боже захрань, да ту дакто облає Господа Бога, Исуса Христа, Мацєр Божу, або дацо подобне. Ту лаце приноси з наших країох Там людзе неможу ше досц начудовац, як можу Господа Бога лац розумни людзе з горнїх країох, котрим Бог тельо добра дава.

Не видзели зме ту през два тижнї пїяного человека. Ту край виородни. Вина ту моцни. Бизовно, же ше людзе з вином окрипїа, але ше не опиваю.

Нашли зме ту и то, же ше вельки посц твардо посци през цали час. Лем на Благовищенє и квитну недзельу людзе єдза риби, а иньшак цали час без меса, без мляка, без масци. Правда, же вони ту маю барз добри олїї и ту нарав менїї потребує храни, як у наших країох, дзе жимпїїше и дзе робота барз чешка. Цали час нам готовели зос олїєм и то так було добре приготовене, же зме анї не обачели разлику медзи єдзеньом у нас и ту.

Правда, же пре нашо країє свята церква дала полєгченє у

отримованю поста. И кед ше ми того тримаєме, теди не гришїме. Але свята Церква жада, да ми полєгченє поста надокнадзїме з другима добрима дїлами: да ше вецей модлїме, да помагаєме, цєшїме бидних, да поучуєме нвуких, да будзєме цєрпєзлївєйши у зношеню своїх кажд денїх крижох да совїстнїйше окончуєме своїо длужносци и т. д. и т. д.

II ДЄВДЄЛІЙСКИ ОКРУГ.

Штварток рано, 14 априла, одслужели зме Службу Божу у Струмичкей церкви, котра ше тераз з нука бетонира и украшує и околу пол осмей рушели зме ше зос истим автомобилом на желїзничку штацию. По ноци попадад красни диждж, цо людзе барз жадали. На високих горох зме видзели вецей шнїгу, и ми ше мушели барз добре пооблєкац на драгу. Бу о наисцє жимно. Врацали зме ше по истей драги назад. За два годзини пришли зме на штацию. Пр дзєшатей годзини шєдали зме до вагону. Чим зме ше рушели зос штацию, приступел ту нам погранїчни жандар и жадал од нас пасуши. Кед зме спомнули, же неїдзєме за гранїцу, и кед зме ше запитали, одкаль вон; бо зме по бешеди видзели, же є не з того краю, дознали зме, же є зос Суботици Зрадовал ше нам, и замодлєл, да може

присц на сповєдз ведно з другима жандарима католиками. У вагону окончили зме Часослов и по єдней годзини вожнї були зме у Девдєлії.

Девдєлія то ме точко од 5000 становнїкох. Лежи на самей гранїци нашей держави и Герцескей. Ту була воевна линїя, и ту ше водзели страшни битки. Вецей як половка зданїїох ище и тераз порозвальовано.

На штациї нас дочекал наш добри вирник Дьонович; котри ма сина у нашей семинари и одпровадзел до манастира наших шестїох найсвятїйшей Евхарїїстїї.

Прєд войну у тим месту бивал владически викар. Ту провадзели Шестри Евхарїїстїнски школи. Од того шицкого нешка преостал лем мали манастир, а гевто шицко позаберано. Да добри Бог, же ше и то з часом ушори. — И ту зме започали роботу як и у Струмици. Наши вели зме обласци, котри нас крашнє приняли. Командант места послал шицких католикох войнох на свату сповєдз до нашей црквочки у манастире и дал їм шлєбоду тотї два днї. Послал їх пятюк и суботу до церкви, бо баш тераз римокатолики мали вельки пятюк. Єдна часц ше исповєдала пятюк, а друга суботу. Були то людзе з Бачки, Банату и зос Хорватскей коло Загребу.

(Далїї будзє).

Газдовство

СТАРАНЄ О ДОБРУ ОВОЦ

Вельо страни єст економически живот. Добри газда не лем жито и кукурицу шєв, але и статок вшєлїяки хова, овоц, винїцу, пчолї и вшєлїячину допатра. Бо єдна фєла економїї помага другей. Статок дава гной за польо, а польо дава храну за статок. Жита, загради и овоц даваю храну пчолом, а

пчолї оп одзую овоц и жита на лєпше родза. Вельо людзе не барс любя садзиц овоц бо вона и по два три роки нїч не родзи. Прето о тим даскельо слова повем.

Польо ореш, гнойш и добре обробуєш, а овоц не. Думащ себе: „кед зродзи омлацим ю аж да ше конари и конарчки, котри би на рок заш могли родзиц таргаю!

ФЕЛЬТОН

Цєрньови венец.*

(Предлуженє.)

„Справди? Най будзє зато благословєна! Але я ше боїм, же мой грих превельки. О, добра моя жєно; тебе признам: Док єще Господь бул медзи нами, модлєл ше ми Йосиф, же би гу Ньому пошол, та же ме певно оздрави. Але я стари твардого шєрца гришник не сцел. Моя гордост ми не дозвољовала теди пойсц, я теди таке гуторел, од чого ме тераз аж страх лапа. Гуторел сом: „Та цо би могол Назарянин зробиц?“ Хто зна, чи є не у компанїи з Бельзєбуком? О вельки мой грих, вельки!“

Вистановети схилєл главу на перши своїо жени. Вона сцєла гуториц, але ю прєрвал.

„То єще не шицко! Слу-

* Зос Украинского.

хай єще далєй. Три раз сом одбил помоц, цо ми ю понукал Йосиф Ариматєйски. У своїо скаменєносци я не сцєл влапиц ше за руку, гоч сом мал нагоду. О, и тераз умерам пре тоту благословєну руку, котру с м одбил од себе! Тераз я розумим, цо вона могла за мене зробиц. Кед би я бул послушал и дал ше однесц пред Доброго, Вон би дзвигнул бул свою руку, положел би ю бул мене на главу... вона би спочивала на моїо глави лєгко, цїхо як швижи ранїши воздух. Теди би спадли чешкосци з моїо го чола и престали би болї и цєрпеня. Я би бул заш человек, котри може здраво думац и...

Але я не сцєл! Думал сом себе, же ище зашпим. А тераз нескоро... нескоро!“

„Єще не нескоро, док ше можєш покаяц.“ — гва-

ри му добра Сара. — „Лем же треба вериц, треба ше модлїц и назвац ше.“ „Верим, Господи, момож моїо иєвери,“ здиховал себе хори од мукох души и тїла. През мали час були цїхо, а Сара бочкала слабу главу мужови, котра почивала на єї рукох.

Нараз предар ноцну цїху звук Зос града „Антония“ чїю мури мож було розликовац од нєба дула труба. „Слухай, и, перша стража ше пременєла.“ — гвари Сара и ставаюци на пальци, же пойдзе. „Час уж, же биш мало одпочивал. Пєвно будзєш добре спац, бо ше за цє модлї Мати Господа.“

„Як ти то знаш?“

„Вона ми сама гуторела: „по першей ст. ажи ше будзєм модлїц за твоего мужа.“

„Ох, здихнул себе Йона, як кед би му олєгчало и нацагнул ше на посцєлї

як слабєнке дзєцко. Наздавам ше, же сом годзєм добре спац. „Чи чуєш як почина дуц швижи витрик? Чуєш, як нїжно пахню лєлїи у нашей заградки? Глас хорого уцїхнул и заспал цїхо шєптаючи а коло устох ше му овил шмищок.“

„Слава Богови!“ прєгварєла Сара и шєдла гу глави на посцєль. „Як сладко шпи. Так уж давно не спал. То шицко роби молитва Мацєрина. О Господи, вшслухай мою молитву, Твоя Мац ше модлї зо мну. Дай нещєсному покой!“

Так прєшла годзина. Нараз ше Йона дзвигнє на посцєлї. „Так, так, такой идзєм, такой!“ — закричал.

Прєплашєни ше почал оглядац. — хто ме волац?“ „Нїхто; то можебуи бул глас духа“ — одвитовала му Сара з трєсацїм гласом. Муж себе подопар главу, як кед би себе дацо здогадовал.

Запаметай! И коло овоци треба, да кажди рок окопеш, а не да коло ней накладеш у двоје цегли, древа, браделко сламч, балвани и др. Овоц треба, да кажди рок погнош па будзе кажди рок и родзиц. Бо ягод ти, кед робиш трацш снагу, па мушиш есц, так и овоц особито старша, треба храни — гною.

Я пробовал вельо роки и гноел сом овоц кажди рок и вше ми родзела, а молю сушедзи, хтори не гноели, не мали кажди рок роду.

Найдзе ше давден мудерец па пове: „Але я не гноел, па ми ипак яблоня родзела“. Правда, и то зато бо корене по жем вше дале идзе и хледа у жем храни.

Ест и таки случай же давдно древо погноене, але не родзело. Дацо почкодзело: мраз лебо инше дацо. А кеди треба гноиц? Лем у мешацу октобру а не на яр. Кед ше у октобру гнои, могу ше кашне надац економи, же буду мац хасен од овоци бо древо добило храни преко жими, да може далє напредовац и роснуц а и пупки за квет ше створи. Я пробовал найвещей гноиц зоз шиклину од статку. Дал сом под векине древо виляц под кажди конар по еден шафел (дас 12 литри) так, же сом под едно векше древо дас 8—10 шафлі дал висипац. Хевтот конар, под хтори сом не дал виляц гнои, не мал на себе овоци. Кладол сом под овоц и уметни гнои. Так далеко яки конари вельки, тельо ше погнои. Мили народе, будзе ме радовац, кед ме послушаш, и кед од того мой поради хасен будзеш мац.

Други раз, ци о дачим иншим напишем даскельо слова.

ГАБОР СЕГЕДИ

стари учителей у Митровици.

II.

ЯК МОЖЕМЕ ОДХОВАЦ ЦУКРОВУ ЦВИКЛУ ЦО ТУНЬШЕ?

Перша задача тому, хто на думал цвиклу садзиц, да пририхта жем. В ешені зорце ю глібоко, а на яр вона будзе цо мелша. Добре, кед ю вжмє, же време сухе, подерляце, погноице зос хлівним гноиом, познейше зос калійову соль и Томасову труску. Кед би ше жем до яри барє збила, тедию пред садзеньом зорце 7—8 центи. Груды подробице зос ролю и такой подерляйце, да жем будзе цо мелша.

До нероляней жем садце глібше, як на палец, теди жем подерляйце зос оштру, але ритку дерлячу. По тим цвиклу виплейце и оконце ю цо глібше. Кед шори 40—50 центи на далєко, теди окопованє можецє вершиц зос плугом. У мешацу юлу и августу у найвекшей суши походзице зос плугом по тих шорох но лем теди, кед лісца покручени, же би их конь не поодламовал.

Цвикала вам принше найбогатши плод у вапняней жеми Зос повапньеньом вашей жеми, повекшаце себе урожай.

Попробуйце так робиц и сами ше ошведочице на успиху. Кед будзеце мац добри урожай теди ше вам баржей, виплаци ваш труд будзе вам туньше одхованє цукровой цвикли.

Преподал у Р. Керестурским

Клубу Земледілох

ЯНКО ЧАКАНЬ.

Зос крилатицу преїг океана.

Двоме шмели француски пилоти Ненжесер и Коли дали ше на то, да пре вна атлантически океан з Франції до Америки. Их крилатица на мено „била птица“ збудована найсолиднеше зос мотором од 450 коньских силох. П щели ше на драгу 11 мая, зле до тераз нет о німа висти. Випатра, же у велькей бурі, котра теди була над океаном погинули.

Проказа у Мехику.

Жем, у котрей фрамасунска влада прогоні катол. церкву покарал Бог з страшну хороту зос проказы (губа). До тераз являю, же ест 50.000 хорих и то найвещей медзи мацнейшим фамилиями. У Варошу Наліово похорели ше 4000 особи а у главним варошу 1000. Хорота ше вше баржей шири ліку не мож найсц — Наисце кара Божє.

Англия проци большевицкей пропаганди.

Английска полиция открила организацию большевицких агейтох у Лондону. У касох руского торговского конзулату пренайдзени важни документи. У мурах замутовани железни каси, у котрих ше тиж находза списи. Английска влада завежне оштре становице проци Русий.

Хороти у Бразилиї.

У послідни часи зявела ше якаш нова хорота у Бразилиї котра иншак досц нездрава жем. Хорота започиня зос горучку и руцаньом. Кед ше до раз не лічи, ніхто не вицдриви. На жаль тота хорота панує управо у тих крайох, дзе ше

найвещей нашого швета виселєло. Од Русинох у варошу Ріє Байдах умарли уж 60 особи о кратки час.

Француске народне швето.

Тото мешаца прєславєла цєла француска свойо народне швето спомен храбрєй дївици Жани Дагк. Кардинал Дібоа отправєл Службу Божу у главней церкви у Парижу. У мено влади положили вєпци под споменик блаженєй дївици министровє Саро и Пенлєвє.

Протекторат над Палєстину.

Англия ма вельо бриги зос Китаєм а тиж у Палєстини ше не барз добре чувствує. Прето ше и медзи Английцама зячєло мнєнє, же би вайлєпше було папуци протекторат над Палєстину, з котрого и так нет ніякого хасну. Протекторат над Палєстину пїяла би Италия. Тачиянски повини являю, же би християнє а и сами Жидзи були задовольнейши протекторатом тачиянским як английским.

Вопрос народних меньшинох у Мадярскей.

Мадярска пред войну була позната як жем у котрей народни меньшини не мали ніякого права. По войни тоти меньшини припадли гу своїм власним народним державом. У тєразшней Мадярскей остало барз мало других нацийох. Мадяре ше силує указац тераз яки вони толєрантни гу тим меньшином та и на своїх пенєжох написали язиком тих меньшинох. Уж не скоре, ніхто им не вери!

ШИРОМ ШВЕТА

Сце буц краль

Албански предсидатель Ахмед бєг-Зогу зажадал себе кральєв-

ску коруну. У мешацу маю ище мал би ше вон прєглашиц за краль Албаниї. На то пристала уж и Италия.

„Чи ци тераз лєпше?“
„Так, гей, вельо лєпше. Випочинул сом и чуєм, же ми вельо лєгчейше, як ми було до тераз. Правда, же больи ше чуєм, але ме не мучи так, як пред тим. Можем голєм шлєбодно думац.“

„Чи шніло ци ше дацо?“
„Гей... цошкаль ше ми шніло — але цо? Хтошка ме по мену водал. Бул женски глас, яки сом до тераз не чул, подобни тим гласом як шпиваю гу гарфи...“

„То бул глас Матки Божєй“ гвари нараз Сара.

„И так сом ю видзел пред собу... ах слава Богу! тераз ше здогадуєм... Видзел сом пред собу черньови венец, котри ше швицел у надзвичайним шветлу. Вишел надо мну, а вєц ше спушцєл на мою главу и я вицдгавєл... Саро! Саро!“ водал хори и бистро скочєл на ноги як нігда

до тераз. „Пришла щєшлїва дума!“ Такой мушим пойсц до мацєри. Вона ма черньови венец свойого Сиїна. Положи ми го на главу и я оздравим цалком.“

„Як ти знаш, же Матка Божє ма черньови венец? питала ше Сара.“

„Иншак би ми го не указовала у сну!“ — одповєд несцєрплїво.

„Цо думаш дакле зробиц, мой пане?“

„Такой пойдзем там!“

„Тєраз по ноци?“

„Еще не нескоро. До дому на Сиону ше вони сходза кажду ноц на тайну вєчєру. По нєй розпїравляю о вшєлїяких потребох. Там я найдзем помоц. Цо, правда, же там нет Петра? Але там зєто Яков и Йоан. А и наш приятель Йосиф. Понагляй ше и поволай слугу з носильками, бо тераз не думаю далєй одкладац.“

(Далєй будзе)

Зос наших валалох

Дюрдьов.

† ТЕОФИЛ ПРОВЧИ. Заш мушимє зос нашого валалу — гоч дакус и нескоро — явиц смутну вист, же нас баш на саму Вельку ноц знашла барз жалосна подїя. На саму Вельку субботу в ноци докончовали железнички мост на Тиси при Титєлю. При тєй роботы бул заняти и наш єден майстор Теофил Провчи син ч. г. Дюри и Штєфанїї родз. Магоч, Понєже по контраку мост мушел буц готови то ше дзєнь а ноц робєо та и наш Теофил тоту ноц робєл, да ше до полноци вшєлїяк мост цалком зготови бо и роботнїци сцєли мац свою Вельку ноц. Але на жалосц Теофил спаднє у тєй роботы з моста дас 15 метєри висини на суху жем; дзе еще було желєза, ши-

ні и вшєлїяки алати так нещєслїво на главу, же ше готово цалком розбил и поламал косц на глави. Безсвистного го фришко положили на ауто, та з нїм до Вєрадина на операцию але сєгинь праве под шпитальом у чєжких мукох умар. Жалосни родитєлє прєнєсли свойого милого сина до Дюрдьова и ту зме го трєци дзєнь Велькей ноци зос вельку учасцу народа поховали. Не було ту ока, хторє не заплакало над так страшну и жалосну цмєрцу того лєгиня. Сєгинь родичи, хтори од свойого Теофила мали таку радосц и потїху аж од жалю да млєли. А и шицки любєли покойного бо бул барз добри и вредни лєгинь а и инжєнєре го хвалєли, же такого способного и охотного майстра не ма-

ли и же од нього вельо очековали.

И так ето тителски мост докончени зос животом едного нашого младого Руснака, хторому най Господ Бог у вичним царству наградзи его жертву а смутним родичом най удзелі потіху до щешлівого побаченя у вичносци.

ЛИЦИТАЦІЯ.

Дава ше на знане нашим майстром, же ше у Дюрдьове будзе давац о кратки час на будоване дзіяковня и каплічка на теметове подлицитацію. План, предрачун и шицки други условія и дзень лицитації можу заінтересовани дознац на парохії.

Керестур.

13. т. м. придал душу свою Бесмертному Царю

чесни, богобойни газда ПЕТРО РАМАЧ у 73 року свойого живота.

Покойни Петро бул приклад правого побожного Русина християнина. Любел свою Церкву, свойо руске набоженство, свойо руски народ, а гу тому гоч през цали живот вельо хорвал, бул вредни и трудолюбиви земледілец и добри отец и старатель своей фамелії. На службу богу офировал Богу два своию любими дзівочки: Ану и Юлиану; коіри су чесни члени дружби ч. сс. Службеникох, и находза ше една у Коцуре, а една у новим манастире у Керестуре. Бог им удзелел щесце, же могли буц при шме. ц свойого любимого родителя. Благому рабу Петру най подаруе Бог блажену и вичну памят!

СОЛОВЕЙ

Мавим вечером соловей щечече,
По зеленом гаю спів его ся несе,
А той спів маввий надеждою повний
Кому незнакомий? — Кому он немилиий?!

По дремушой зимі, як весна воскресла,
Кличе нас: вставайте, пробудьте ся зо сна,
Світ наповнен житєм, красою, та чаром
А ви еще спите? Ніт! ставайте кругом!

До праці, до діла, до волі, до житя.
Доста було спаня, нам сміється доля,
Наставае весна руского народа,
Соловей щечече, наставае воля. —

То хтоби мой голос дороши не любил?
Хто би сей голосок віщующий не тужил?
Хто би руки свої за пояс заложил?
Той — немае сердца, той Бога не любить!

В том зеленом гаю в нашем руском краю,
Ту, под Карпатами, в нашем милом раю,
Де ми світ узріли, перший крок зробили,
Руским словом перше Бога прославили.

В том раю заспівал чудесний Соловей.
Хто его не знае? хто про него не чул? —
В далеких закутах і найменших селах,
Чули его голос тішили ся в словах.

Подал руку свою найменшому брату,
Гоил рани бідним, потішал сироту,
Понес сердце свое, свою любов щирю,
Там, де упали, де тратили силу! —

Прийшов голосити народну свідомость,
Прийшов навчати Христову покорность,
Прийшов без гордості, без пихи в тихости,
А розсівав віру, любов и надежду! —

В чудесних тих часах, як весна настала,
Голосив все однак, „Ніт житя без Бога“
В сердца заціпляв святу правду всегда,
Ідею, новий дух, люб, народ и Бога!

Но щоже настало? — Соловей одліта —
Оставляе наш Край, щоби пойти во світ,
З жалем пращавмо тебе Соловею
Дорогий Владико! Отче наш любимий.

Пращавмо! Бог з Тобою їди де Бог кличе,
Голосити світу, що і ми живемо,
Забудь на прикрости, остав в сердцю лише,
Що наш руский нарід Тебе не забуде!!

(Написала Ирина Невіцка).

ШВЕТОЧНИ ОТПОЧИВОК

Недзеля 5 Самар-
янки

ЕВАНГ. ІОАН ГЛ. 4. ЗАЧ. 12.)

„Прийдите, и видите человекъ, иже рече ми вся елика сотвори хъ, еда той есть Христосъ? Изыдоша же изъ града, грядяху къ нему.“

Неизглаголану любов шерца Христового гу бідним гришником найлешше нам толкуе нвшня евангелия. Исус ше дава до бешеди зос полным милосердием и любовию зос едну обичну гришницу, и на длоговіт толкуе слово б. же, да ю увери о правди и да ю приведзе гу Богу. Исус посцигнул свой циль. Жена самарянка ше покаяла и обрацела гу Богу. Тота гришна жена, то слика цалого швета, пре котри пришол Син Божий, Исус Христос, да го откупи од проклятства, и да го спаши за небо.

Прецо постап Исус человеком и прецо ше так понїжел, же сцел буц з гришними людзми и за нїх умрець? Шицко то зрбел лем пре тоту причину, же любел тоти гришни души, и сцел их ратовац. Требало привесц гришних людзох до шору; требало их помириц з Богом; требало им врациц страцену; чесц, требало их научиц з нова Бога познац; требало з нова добиц страцене право на рай; требало прецериц покуту за превельку увреду божию. То шицко зрбел Исус Христос за нас. А як?! У тим ше баш указуе непреповедзена любов Исусова. Вон сцел, да будзе сам человеком, да так нашу дзиву, погубену, натуру оплеменї, закалами и дзвигне ю до достоинства дзецка божого. О, як ше глібоко спущел гу нам Син Божий лем да нам помогне, бо праведносц божя захтевала кару, а ми сами ю не могли одац. Змиловал нам ше Исус! Човек зогришел, человек мушел и поправиц зло. Ето, Исус постава человек, да то зроби, бо ми були слаби, да випокутуеме свойо грихи. Непонятна глібина милосердия гу бідним гришником! Не бере на себе натуру ангелску, але нашу бідну, гришну человеческу, да ше з равна з нами у шицким крем гриха. О, мили любителю гришних душох слава Теби! Добре повед Иоан Креститель о Теби. „Се Агнец Божий вземляй грихи мира за мирски живот и спасение.“

Ти любиш гришника и сиеши му помочи и даваш му руку помощи, да го приведзеш на пут спасения. Та певно, же лем його вина будзе, кед препадне бо Ти ше пре нього пародзел, пре нього страдал и умар, а вон кед то шицко презрел, не чудуйме ше, же будзе на вични муки осудзени.

М. Мудри.

Нашо претплатніци

На 1927. рок обновели претплату слїдуюци п. п.: Митро Зубков Коцур, 100 дин. Янко Бесермні Коцур, 100 дин. Осиф Бучко Коцур, 100 дин. Дюра Кулич Шид, 100 дин. Андри Планчак Прнявор, 50 дин. Никола Гаргаї ст Дюрдьов 100, дин. Михал Планчак Р. Керестур, 50 дин. Дюра Джуния Р. Керестур, 50 дин. Микола Виславски Дюрдьов, 100 дин. Дюра Нота Дюрдьов 50 дин. Янко Скубан Дюрдьов, 50 дин. Андри Чакан Дюрдьов, 50 дин. Янко Колошняй Р. Керестур 100 дин. Грицо Киш Р. Керестур, 50 дин. Яким Рац Андрияшеви. 100 дин. Никола Сакач, Коцур 100 дин.

Тарговина

Жито	317.— Д
Кукурица	163.— „
Хмель	10—11.000 „
Мука нулерова	426.— „
„ хлєбова	420.— „
Млеко литра	3—4.— „
Качки	35—60.— „
Гуски клюкани кг.	65—90.— „
Говедзїна	16—20.— „
Швиньске месо	20—22.— „
Целечина	28—30.— „
Сланїна сушена	22—25.— „

ЧИТАЙЦЕ

„РУСКИ НОВИНИ“

Нови и мало хасновани
КОСАЧИ И ВЯЗАЧИ МАШИНИ

зос найлешших фабрикох предава под гаранцію
и на длогу одплату по найтуньших ценах

ДЮРА ШАНТА Нови Врбас, тел. 52.

На поволане по дописней карти приходзим и до
обийсца.